

## **BASES PARA A SELECCIÓN DOS TRABALLADORES PARTICIPANTES NO OBRADOIRO DE EMPREGO " URBS LUCUS "- CONCELLO DE LUGO.**

### **Primeira.- Obxecto.**

Estas bases teñen como finalidade, de conformidade co previsto no artigo 10 e 11 da Orde de 8 de maio de 2013 da Consellería de Traballo e Benestar, pola que se establecen as bases reguladoras das axudas e subvencións para os programas de obradoiros de emprego o establecemento do sistema, procedemento e baremos das probas que se aplicarán na selección dos desempregados como alumnos-traballadores participantes no obradoiro de emprego "**URBS LUCUS**", promovido polo **Concello de Lugo** e subvencionado pola Consellería de Traballo e Benestar.

### **Segunda.- Relación xurídica dos traballadores participantes coa entidade promotora do obradoiro de emprego.**

Durante a duración do obradoiro de emprego os alumnos-traballadores participantes estarán vinculados á entidade promotora mediante a modalidade de contrato para a formación e o aprendizaxe. Os contratos de traballo terán carácter temporal, cunha duración de seis meses e a xornada **completa**.

### **Terceira.- Requisitos dos aspirantes.**

Os participantes no proceso selectivo, deberán reunir os seguintes requisitos:

a) Requisitos xerais.

**1º.- Estar inscrito como desempregado nas oficinas de emprego de Lugo.**

**2º.- Estar empadroad o no Concello de Lugo con anterioridade a data de firma destas bases.**

**3º.- Ser maior de 18 anos.**

**4º.- Non padecer enfermidade ou defecto físico que impida a normal aprendizaxe das ensinanzas a impartir con ocasión do desenvolvemento do proxecto formativo.**


**5º.- Comprometerse activamente no obxecto fundamental do obradoiro de emprego: a aprendizaxe da especialidade formativa á que sexa adscrito, como medida orientada a favorecer a súa inserción profesional e o acceso ó mercado de traballo, por conta propia ou allea.**

b) Requisitos específicos:

**1º- Nivel formativo mínimo: Bachillerato, FP I ou Ciclo Medio de Formación Profesional.**

c) Causas de exclusión:

**Haber participado anteriormente nunha escola obradoiro ou obradoiro de emprego.**



#### **Cuarta.- Procedemento de selección.**

O procedemento de selección consistirá na tramitación previa de oferta de actividade á oficina de emprego e un cuestionario no que se formulen aquelas preguntas que o Grupo de traballo mixto considere necesarias para establecer cásas serán os seleccionados como alumnos-traballadores do obradoiro de emprego.

Para tal fin, aplicarase o baremo de selección que se incorpora como anexo destas bases.

#### **Quinta.- Oferta de actividade.**

Unha vez constituído o grupo de traballo mixto, e aprobados os criterios de selección dos alumnos-traballadores que van participar no obradoiro de emprego, tramitarase a oferta á oficina de emprego de **Lugo Norte**, establecéndose como parámetros da sondaxe os seguintes:

- a) Ámbito xeográfico: **Concello de Lugo**.
- b) Códigos de ocupación:
  - Módulo de Dixitalización Documental: subgrupo 3731 (fotógrafos), subgrupo 3733 (técnicos en galerías de arte, museos e bibliotecas), subgrupo 3831 (técnicos de gravación audiovisual), subgrupo 4210 (empregados de bibliotecas e arquivos); subgrupo 4301 (Gravadores de datos).
  - Módulo de Xestión Documental: Subgrupo 3733 (técnicos en galerías de arte, museos e bibliotecas); subgrupo 4210 (empregados de bibliotecas e arquivos). Subgrupo 4301 (gravadores de datos).
  - Módulo de Dixitalización 3D: subgrupo 3110 (delineantes e debuxantes técnicos); subgrupo 3731 (fotógrafos); subgrupo 3831 (técnicos de gravación audiovisual).
- c) Idade: **de 18 a 64 anos**.
- d) Nº de candidatos a remitir: Na medida do posible 3 por posto.
- e) Serán causas de exclusión non cumplir algún dos requisitos establecidos nas bases.
- f) Requisitos de formación: Cumprilos requisitos para poder celebrar un contrato para a formación durante toda a duración do proxecto.
- g) Nivel formativo mínimo:
  - Estar en posesión do título de bachiller, FP I ou ciclo medio de Formación Profesional.

#### **Sexta.- cuestionario.**

O grupo de traballo mixto, segundo o acordado aplicará un baremo obxectivo establecido no Anexo I, por medio do que serán avaliados as circunstancias persoais e profesionais dos candidatos a remitir pola oficina de emprego e que representará o 50 % do total da puntuación a acadar cun total de 20 puntos, sendo o 50 % restante para a realización dun cuestionario co obxectivo de avaliar o seu interese en participar no proxecto e as súas aptitudes e capacidades, tanto as de carácter xeral coma as relativas á súa adecuación ás singularidades do proxecto formativo.



O cuestionario terá lugar :

**O 25 de setembro de 2013 ás 9 horas no Centro de Empresas e Innovación (CEI-Nodus), Avda. Da Coruña, núm. 500, Lugo.**

### **Sétima.- Criterios de preferencia.**

Os criterios de preferencia na selección serán:

- a) Terán preferencia para participar nestes proxectos as persoas que, reunindo os requisitos xerais antes establecidos e, se é o caso, tendo previsto a realización deste tipo de medidas no seu itinerario de inserción profesional, teñan especiais dificultades de inserción no mercado de traballo, tales como: as persoas mozas menores de trinta anos, as mulleres en xeral, as mulleres vítimas de violencia, o persoal traballador que esgotou as prestacións e subsidios por desemprego, as persoas paradas de longa duración, as persoas maiores de corenta e cinco anos, as persoas que carecen de títulos universitarios e de F.P. de grao superior, as persoas con discapacidade sempre que poidan realizar os traballos e as persoas pertencentes a outros colectivos desfavorecidos ou en risco de exclusión social, especialmente, as persoas beneficiarias da renda de integración social de Galicia.
- b) As beneficiarias do programa de fomento da inserción laboral das mulleres vítimas de violencia incorporaranse directamente con prioridade absoluta o proxecto, sempre e cando cumpran os requisitos xerais das presentes bases.

### **Oitava.- Puntuación final.**

Avaliado o cuestionario e a proba de aptitude ou coñecementos, será elaborada a relación dos admitidos e excluídos para participar no obradoiro de emprego, como alumnos-traballadores, indicando a puntuación total e as especialidades formativas ás que son adscritos. Esta relación deberá ser exposta nos taboleiros da entidade promotora.

No suposto de empate nas puntuacións de dous o máis candidatos, terá preferencia aquel que teña máis antigüidade como desempregado a contar desde o último emprego segundo a vida laboral, e en caso de empate o de maior idade.

### **Novena.- Lista de reserva.**

O grupo de traballo mixto, coa finalidade de supli-las posibles baixas dos seleccionados como alumnos-traballadores, antes de iniciada a actividade do obradoiro, poderá elaborar unha lista de reserva que estará integrada polos candidatos que, non sendo seleccionados, obtiveran as maiores puntuacións.

Esta lista de reserva terá vixencia ata o inicio do proxecto formativo.

## **Décima.- Admisión.**

Os seleccionados polo grupo de traballo mixto serán admitidos pola entidade promotora, para participar no obradoiro de emprego na condición de alumno traballador sempre e cando cumpran os requisitos destas bases, para o que deberán pasar recoñecemento médico e ser declarados aptos para o desempeño dos traballos a realizar no obradoiro de emprego.

Os alumnos traballadores seleccionados deberán de manter o cumprimento dos requisitos de selección na data de incorporación ao proxecto.

## **Décimo primeira.- Incidencias e reclamacións.**

De conformidade co establecido no artigo 14 da Orde do 8/05/13 da Consellería de Traballo e Benestar, non é aplicable a este proceso selectivo a normativa establecida para os procedementos de selección de persoal das distintas Administracións Públicas, aínda que a entidade promotora sexa un organismo público.

As incidencias e reclamacións que se susciten no proceso de selección seguido, presentaranse ante o grupo de traballo no prazo de 5 días naturais a contar dende o seguinte o da exposición das listas de admitidos e reservas e serán resoltas polo Grupo de traballo mixto sen que quepa ulterior recurso en vía administrativa.

Lugo a 09 de Setembro de 2013

Covadonga Carreño Gascón

Luis López López

Mª Isabel Villamor Cabado

Francisco Quinzá-Torroja García

**ANEXO I**

**BAREMO DE SELECCIÓN TRABALLADORES OBRADOIRO DE EMPREGO**

**1.- MULLERES .....** 1 pto

**2.- IDADE**

- 18 - 29 anos ... 5 ptos.
- 30 - 44 anos ... 1 pto.
- 45 -54 anos ...3 ptos
- 55 ou mais .... 2 ptos.

**3.- DISCAPACIDADE.....** minusvalía > 33 % ..... 1ptos.

**4.- PROTECCIÓN DE DESEMPREGO**

- Perceptores de desempleo .....1 ptos
- Perceptores de subsidio..... 2 ptos
- Non perceptores..... 4 ptos

**5.- TEMPO DE DESEMPREGO DESDE O ÚLTIMO TRABALLO (SEGÚN VILABORAL )-**

- Menos de 12 meses ..... 1 pto.
- Mais de 12 meses.... ... 2 ptos
- Mais de 18 meses.... ... 5 ptos

**6.- CATEGORÍA PROFESIONAL (NO TRABALLO INMEDIATAMENTE ANTERIOR SEGÚN VIDA LABORAL )**

- |  |         |
|--|---------|
| - Autónomos .....                      | 0 ptos  |
| - Grupo de cotización del 1 al 7 ..... | 0 ptos. |
| - Grupo de cotización 8 .....          | 1 ptos  |
| - Grupo de cotización 9 .....          | 2 ptos  |
| - Grupo de cotización 10 .....         | 4 ptos  |
| - Grupo de cotización 11 .....         | 2 ptos  |
| - Sen emprego anterior .....           | 3 ptos  |